

**ZAPISNIK SA 35. SJEDNICE UO SAMOSTALNOG SINDIKATA RADNIKA U BHRT-u,  
KOJA JE ODRŽANA U UTORAK 31.10.2017.GODINE**

**Prisutni:** D. Smital; E. Čengić; S.Topalić; Dž. Kahrica; N. Žuga; N. Čordalija; O. Bukić;  
G. Brkić; N. Hodžić;; M. Grbo; D.Miljević; M. Baručija; E. Fočo; N. Arnautović;  
M. K. Pašalić;

**Odsutni:** B.Hamzagić - **neopravdano**

**Gost:** B.Karamehmedović, generalni direktor BHRT-a

Dnevni red:

1. Zapisnik sa 34. sjednice
2. Aktuelna situacija u BHRT-u
3. Finansije (V.Čosović)
4. Izvještaj i specifikacija BSO za septembar 2017 (N. Žuga)
5. Dodjela pomoći (N.Žuga, G.Brkić, M.Grbo)
6. Razno

**AD 1.** D.Smital je u 12.30 sati na osnovu člana 35. Statuta Samostalnog sindikata radnika u BHRT-u, otvorio 35. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 34. Sjednice je također jednoglasno usvojen.

**AD 2.** D.Smital je izvjestio UO Sindikata da je rukovodstvo u protekloj sedmici imalo tri sastanka sa menadžmentom, jedan je u vezi utvrđivanja minimum procesa rada u slučaju štrajka a druga dva su u vezi aktuelne finansijske situacije. Podružnica IT centara je dostavila dopis u vezi minimum procesa rada i isplate 60% plate. Rukovodstvo sindikata je predložilo da se pozove generalni direktor na sjednicu kako bi odgovorio na pitanja Podružnice IT Centara kao i svih članova UO Sindikata. Jednoglasno je prihvaćen prijedlog da se na sjednicu pozove generalni direktor.

Generalni direktor B.Karamehmedović je došao na sjednicu UO u 12:45.

Informisao je članove UO da je 60% plate za mjesec avgust uplaćeno u ponedjeljak 30.11.2017.godine, krediti bi trebali biti uplaćeni do kraja sedmice (03.11.2017.) a ostatak plate zavisno od priliva sredstava do kraja sljedeće sedmice (10-11-2017.)

Generalni direktor je upoznao Sindikat da je počelo prikupljanje takse početkom prošlog mjeseca preko EP BiH, jedne od tri elektroprivrede na području BiH. Isti ugovor je poslan i EP HZHB I još uvijek nema nikakvog odgovora pa će se pokušati ovaj problem riješiti preko Vlade Federacije BiH. Iz RS nema nikakvih konkretnih odgovora o načinu prikupljanja takse na području ovog entiteta i pokušava se dobiti odgovor preko Odbora sistema a činjenica je prema rječima generalnog direktora da od 30.06.2017. godine ne dolazi ni jedna marka iz RTRS-a kada je u pitanju RTV taksa.

Stepen naplativosti RTV takse u prvom mjesecu preko računa za električnu energiju je 47% korisnika Elektroprivrede BiH. Nakon sklapanja ugovora sa EP, reagovala je i Poreska uprava FBiH sa djelimičnom blokadom računa BHRT-a i samim tim se ne može ništa uplaćivati dok se ne izmire sve obaveze prema državi. Zbog takve situacije, generalni direktor je izvjestio sindikat da je imao nekih aktivnosti kako bi dobili neki "tajm aut" kada su u pitanju potraživanja PDV-a kako bi isplatili zaostala dugovanja prema radnicima, elektroprivredi, sarajevogasu itd. Prošli mjesec je prema rječima generalnog direktora bio kritičan i zbog rate za digitalizaciju prema banci iz Beča tako da sa sadašnjim prilivom sredstava jedva pokrivamo neke osnovne potrebe. Ljudi iz EP BiH tvrde da treba sačekati dva mjeseca kako bi se dobio objektivni prihod na koji se može računati a ta dva mjeseca ističu 10.11.2017. godine pa će se tada napraviti pregled stanja. Postoji veliki broj ljudi koji

odjavljaju brojila i taj broj je do sada oko 100 000, a formirani su timovi Federalne televizije koji će ići u kontrolu istih.

Generalni direktor je istakao da sva sredstva koja dolaze preko ovog novog načina naplate RTV takse primarno idu za potrebe radnika. Menadžment je upoznat da postoji problem ovjere knjižica u nekim zavodima zdravstvenog osiguranja i poslan je zvanični dopis kako bi se riješio taj problem.

D.Smitaj je istakao da je UO Sindikata pozvao generalnog direktora između ostalog zbog problema plata ali i problema zdravstvenog osiguranja u IT Centrima.

D.Miljević je istakao da su inicijatori ovog dopisa koji je poslan UO Sindikata bile kolege iz Tuzle, nakon čega je poslan zajednički upit prema menadžmentu ali i prema sindikatu.

Osnovno pitanje su isplate svih dugovanja prema radnicima i postavlja se pitanje strategije isplata. Dž.Kahrica je predložio da D.Miljević pročita cijeli dopis kako bi se sa njegovim sadržajem upoznali članovi UO i kako bi generalni direktor mogao odgovoriti na isti.

D. Miljević je pročitao dopis IT Centara u kojem, između ostalog, stoji:

*Svi mi, članovi SSR u BHRT-u iz Podružnice ITC-a, smo svjesni vrlo teške finansijske situacije u BHRT-u, ali isto tako smo svjesni da kako stvari stoje UO sindikata i svi članovi istog, tapkaju u mjestu i nadaju se necemu spektakularnom od strane menadžmenta koji očigledno nije sposoban da riješi kriznu situaciju. Tražimo da se pod hitno riješe sva dugovanja prema radnicima i da se javno kaže da zaposleni u ITC-eima ne žele nikakvu milostinju od firme nego samo ono posteno zaradjeno. Ako se ne bude urgentno riješila isplata ličnih dohodaka, doprinosa koji sleduju, uplate zdravstvenog osiguranja (jer ne možemo ovjeravati knjižice ni na jedan dan), topli obrok i prevoz bicemo primorani da uskratimo usluge emiterima na 60% tačno na onaj procenat koliko i dobijamo za nase usluge, pa možda i manje. Na ovaj radikalni korak cemo se odluciti i po cijenu otkaza, jer uposleni u Centrima samo zahvaljujuci entuzijazmu opstaju kao i većina zaposlenih, a niko se ne pita kako, od cijeg novca, od zaradenog sigurno nije, jer ga i ne dobijamo. Poštovani, dojadilo je raditi džabe, a vjerujemo i Vama ostalima. Takođe trazimo da se u sto skorije vrijeme riješi i potpise odluka koju smo donijeli o minimalnom procesu rad u slučaju štrajka. Stiče se utisak da to rukovodstvu nije u cilju, jer bi se onda suočili sa jednim velikim problemom. Tako da imamo osjecaj da im to potpisivanje nije u prioritetu jer bi sigurno doslo do štrajka a mi bi imali pokrvice makar na papiru.*

*I na kraju, da nam se dostavi dugo traženi priliv mjesečnih sredstava od strane marketinga, koji očigledno ne radi dovoljno da bi se stanje popravilo. Usput, da se dostavi informacija ko koristi preostalih 25% novčanih sredstava od takse uplaćenih preko računa za el.energiju, a nalaze se na računima FTV-a.*

Generalni direktor je mišljenja da neko nekoga po dopisu IT Centara ne razumije baš dobro. Minimum procesa rada je poslan u Vijeće ministara 20.10.2017. godine nakon što je sindikat dostavio svoju saglasnost. Suština problema javnog servisa u ovoj državi je odnos politike prema BHRT-u. Generalni direktor je istakao da dobro zna da ljudi nemaju sredstava i da teško žive, ali je učinjeno maksimalno mimo svakog racionalnog načina razmišljanja, sa ugovorom sa jednom elektroprivredom od tri. Od septembra prošle godine ni jednu marku nije BHRT-dobio od Eroneta a od 30.06.2017. ni marka iz RTRS-a nije uplaćena BHRT-u. Dakle, sve se finansira samo sa jednog izvora. Kada je u pitanju marketing, generalni direktor je postavio pitanje zašto niko iz IT Centara nikada nije napravio niti jedan kontakt sa komitentima van Sarajeva a traži se izvještaj o marketingu za koji treba dobar program a za dobar program trebaju novčana sredstava. Radi se nova reorganizacija i napravljen je broj ljudi koji su potrebni za program, sada se radi Produkcija a potom će i ostali sektori BHRT-a. Odgovor kako će se stvari u budućnosti riješiti niko ne zna. RTRS potpuno vodi nezavisnu politiku a BHRT s njima ima veoma male, gotovo nikakve kontakte, oni ne pokazuju nikakvu

želju da se nešto dogovori. U RS-u se RTV taksa prikuplja preko inkaso službe i kako tvrde, ne prikupljaju preko pošte mada su jedno vrijeme prikupljali preko pošta i nikada BHRT nije dobio validan odgovor ko prikuplja i šta prikuplja. BHRT trenutno sada uredno dobija 50% svih uplata RTV takse preko računa za električnu energiju.

Generalni direktor je naglasio da razumije u potpunosti sve probleme i on se susreće svakodnevno s njima ali ako Podružnica IT Centara misli da će štrajkom nešto postići, on neće praviti problem i što je štrajk mimo minimalnih uslova rada.

D. Smital je predložio, da bi se otklonila svaka sumnja u opstrukciju menadžmenta u donošenju minimuma procesa rada, da BHRT i SSR u BHRT-u potpišu u što kraćem roku Sporazum o minimumu procesa rada, čime bi preostalo samo da Vijeće ministara donese Odluku o minimumu procesa rada, kako bi se stekli zakoniti uslovi za štrajk.

Generalni direktor je prihvatio prijedlog i dodao da će Sporazum biti potpisan u najkraćem mogućem roku.

Također je dodao da su potrebe BHRT-a puno veće od prihoda koji za prvi mjesec iznose oko 1.100.000 KM zbog dugovanja koja su se nagomilala u proteklom periodu. Generalni direktor je upoznao sindikat da je riješen problem blokiranja Poreske uprave računa za dnevnicu tako da će od iduće sedmice dnevnicu za putne naloge ponovno ići preko blagajne.

G.Brkić je predložio generalnom direktoru i menadžmentu da se oglasi javno, preko oglasne ploče i da se na taj način upoznaju svi radnici BHRT-a o troškovima, trenutnoj situaciji i prilivu sredstava, kao i reakciju menadžmenta u vezi neobjavljenog intervjua.

D.Miljević je postavio pitanje tužbi prema entitetskim televizijama i upoznao direktora da nikada niko iz marketinga nije ponudio radnicima u ITC BL da dogovora marketing, dostavio cjenovnik ili uslove naše kuće kada je marketing u pitanju. Generalni direktor je upoznao UO Sindikata da je na posljednjoj sjednici odbora koji je održan u Banjaluci direktor RTRS-a ponudio da se pokuša naći način izlaska iz ove situacije međutim nije bilo konkretne spremnosti u tom smislu a BHRT-u odgovara svaka varijanta koja se predloži.

N.Žuga je postavio pitanje da li se mogu organizovati sastanci po podružnicama na koje će biti pozvan generalni direktor kako bi dao odgovore na sva aktuelna pitanja. Generalni direktor je prihvatio i mišljenja je da je to najefikasniji način da se svi radnici upoznaju sa trenutnom situacijom.

D.Smital se zahvalio generalnom direktoru na dolasku uz najavu da će sindikat organizovati sastanke članova po podružnicama na koje će pozvati i direktora što je bio i zaključak UO. Sjednicu sindikata su u 13.44. sati napustili S.Topalić i N.Hodžić.

D.Smital je predložio da se po podružnicama usklade termini a manje podružnice da se organizuju sa većim npr. BH Radio i MP sa BHT-om. Veće podružnice mogu po potrebi organizovati u dva termina po potrebi. Prijedlog je jednoglasno usvojen.

Sjednicu sindikata je u 13.55. napustila M.Kurtović Pašalić.

**AD 3.** D.Smital je izvjestio UO da je na adresu dobio dopis od nekoliko stranica od Poreske uprave u kojem se tereti sindikat za neplaćen porez za naše ugovore do maja 2017.godine.

D.Smital je odmah po prijemu dopisa kontaktirao knjigovođu i blagajnika i zatražio detaljnu analizu. Oni su sastavili zahtjev za preknjižavanje poreznih obaveza koji je poslan u roku a dug je iznosio oko 2000KM sa kamatama. Najveći problem je ispostavilo se bio što se porez uplaćivao na ID broj starog sindikata. Zahtjev je poslan u roku sa svim tabelarnim prikazom I analizom koja je napravljena.

Izveštaj o finansijskom poslovanju sindikata za mjesec septembar 2017. godine je primljen k znanju.

**AD 4 .** Izveštaj i specifikacija BSO za septembar 2017 je primljen k znanju.

**AD 5.** Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobiju sljedeći članovi; Igor Kasapović 350 KM ( I dio), Zahida Bečirspahić 200 KM, Solak Kadira 100 KM, Siniša Kovačević 200 KM, Amra Gerin 250 KM. Ukupno 1100KM. Prijedlog komisije za dodjelu finansijske pomoći jednoglasno je usvojen. Zahtjevi V.Muhidinović i J.Vučka su odbijeni u skladu sa Pravilnikom za dodjelu finansijske pomoći.

**AD 6.** Sindikat je dobio informaciju da su uplaćeni doprinosi za PIO za radnike koji su ostvarili uslov za penzionisanje, kao i otpremnine, a za koje je postavljen upit od strane Dž.Kahrice na posljednjoj sjednici UO Sindikata. G.Brkić je prosljedio UO Sindikata pismo koje je uputila M.Jašarević a koje je Izvršni sekretar pročitao u kojem se navode problem koje koleginica ima sa pretpostavljenim S.Petkovićem. Nakon što je UO Sindikata pozvao i saslušao M.Jašarević donesen je zaključak da D. smital, G.Brkić H.Tunović (član Povjereništva podružnice BHT-a) održe sastanak sa M.Jašarević i S.Petkovićem kako bi se ovaj problem komunikacije riješio.

Sjednica je završena u 14:43.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital